




სსიპ - საგანმანათლებლო და სამეცნიერო
ინფრასტრუქტურის განვითარების სააგენტო



MES 7 22 0000611055



08/06/2022

სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს
სახელმწიფო ბიუჯეტის ასიგნების ფარგლებში სახელმწიფო შესყიდვების
განსახორციელებლად შექმნილი სატენდერო კომისიის სხდომის
ოქმი N1

ქ. თბილისი

სხდომას უძღვებოდა:

ლევან სუხიტაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
დირექტორი - კომისიის თავმჯდომარე;

სხდომას ესწრებოდნენ:

გიორგი შალუტაშვილი - სსიპ „საგანმანათლებლო და სამეცნიერო ინფრასტრუქტურის განვითარების
სააგენტოს“ დირექტორის პირველი მოადგილე - კომისიის წევრი;

ტარიელ გუგავა - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
დირექტორის მოადგილე - კომისიის წევრი;

ზვიად ჩანტლაძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
ადმინისტრაციის სამსახურის უფროსი - კომისიის წევრი;

დავით მესხიშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
შესყიდვების სამსახურის უფროსი - კომისიის წევრი;

სატენდერო კომისიის აპარატის წევრები:

ლევან სუხიტაშვილი - აპარატის ხელმძღვანელი;

თათა კვანტალიანი - აპარატის წევრი;

დღის წესრიგი: სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ მიერ
2022-2023 წლების სახელმწიფო ბიუჯეტის დაფინანსების ფარგლებში სსიპ მეფე ერეკლე II-ის სახელობის ქალაქ
თელავის N1 საჯარო სკოლის შენობის საპროექტო-სახარჯთაღრიცხვო დოკუმენტაციის მომზადების შესყიდვაზე
ელექტრონული ტენდერის ჩასატარებლად შესაბამისი სატენდერო დოკუმენტაციისა და ტენდერის ჩატარების
შესახებ განცხადების პირობების მომზადება.

აღწერილობითი ნაწილი: 2022 წლის 29 აპრილის N433523 სამსახურებრივი ბარათის თანახმად, დაგეგმილია
2022-2023 წლების სახელმწიფო ბიუჯეტის დაფინანსების ფარგლებში სსიპ მეფე ერეკლე II-ის სახელობის ქალაქ
თელავის N1 საჯარო სკოლის შენობის საპროექტო-სახარჯთაღრიცხვო დოკუმენტაციის მომზადების სახელმწიფო
შესყიდვაზე, რაზეც საჭიროა გამოცხადდეს შესაბამისი ტენდერი. შესყიდვის სავარაუდო ჯამური ღირებულება
შეადგენს 349 432 ლარს. სამუშაოების დასრულების ვადად განსაზღვრულია 240 კალენდარული დღე;

ვინაიდან, სამუშაოების დასრულება და შესაბამისი ანგარიშსწორება ვერ მოესწროდა 2022 წლის ბიუჯეტის
ფარგლებში, სამუშაოების განხორციელება დაიგეგმა მრავალწლიანი შესყიდვის პროცედურით. აღნიშნულის

თაობაზე, საქართველოს ფინანსთა სამინისტროდან მიღებულია 2022 წლის 03 ივნისის N04-02/49711 (სააგენტოში რეგისტრირებულია N590728; 03.06.2022 წ.) თანხმობის წერილი;

შესყიდვის სავარაუდო ღირებულება წლების მიხედვით განაწილება შემდეგი მოცულობით: 2022 წელს გათვალისწინებულია 69 886,46 ლარი, ხოლო 2023 წელს 279 545,84 ლარი.

სამოტივაციო ნაწილი: სატენდერო კომისიამ იმსჯელა სატენდერო მოთხოვნებთან დაკავშირებით.

საპროექტო-სახარჯთაღრიცხვო დოკუმენტაციის მოსამზადებლად განსაზღვრულია ეტაპობრივად, ხელშეკრულების გაფორმებიდან 8 თვე (240 კალენდარული დღე), კერძოდ:

ა) ხელშეკრულების ხელმოწერიდან 2 თვის ვადაში მიმწოდებელი ვალდებულია წერილობით წარუდგინოს შემსყიდველს წინამდებარე ტექნიკური დავალების I ეტაპით გათვალისწინებული დოკუმენტაცია.

ბ) II ეტაპით გათვალისწინებულ ესქიზური პროექტის მიწოდების ვადა I ეტაპით გათვალისწინებული დოკუმენტაციის მიღებიდან 3 თვის ვადაში.

გ) III ეტაპით გათვალისწინებულ საბოლოო დეტალურ საპროექტო-სახარჯთაღრიცხვო დოკუმენტაციის (ექსპერტიზების და საქართველოს კულტურული მემკვიდრეობის დაცვის ერვულ სააგენტოსთან შეთანხმებული) მიწოდების ვადა III ეტაპით გათვალისწინებული დოკუმენტაციის მიღებიდან 3 თვის ვადაში.

შესასრულებელი სამუშაოების მოცულობის, სირთულისა და სპეციფიკის გათვალისწინებით სატენდერო კომისიამ მიზანშეწონილად მიაჩნია სატენდერო დოკუმენტაციაში ინფორმაცია პრეტენდენტის გამოცდილების შესახებ მოცემულ შემთხვევაში განისაზღვროს შემდეგნაირად:

პრეტენდენტს საქართველოს ტერიტორიაზე ან/და სხვა ქვეყნის ტერიტორიაზე (გარდა იმ ქვეყნის ტერიტორიისა, სადაც რეგისტრირებულია პრეტენდენტი) 2016 წლის 01 იანვრიდან ტენდერში წინადადებების მიღების დასრულების დღის თარიღის ჩათვლით უნდა ქონდეს კულტურული მემკვიდრეობის ძეგლის სტატუსის მქონე შენობ(ებ)ის რესტავრაციის ან რეაბილიტაციის ან რეკონსტრუქციის ან გამაგრების სამუშაოების საპროექტო-სახარჯთაღრიცხვო დოკუმენტაციის შედგენის მომსახურების გამოცდილება არანაკლებ ამ ტენდერის სავარაუდო ღირებულების 100%-ის ღირებულებით;

2.2.1.2. გამოცდილება უნდა დადასტურდეს გაფორმებული ხელშეკრულებ(ებ)ით და ამ ხელშეკრულებ(ებ)ის ფარგლებში მომსახურების მიწოდების დამადასტურებელი დოკუმენტ(ებ)ით: მიღება-ჩაბარების აქტ(ებ)ი და შესაბამისი ხელშეკრულებ(ებ)ი.

2.2.1.3. წარმოდგენილი ხელშეკრულებების ფარგლებში მომზადებული საპროექტო-სახარჯთაღრიცხვო დოკუმენტაცია შეთანხმებული უნდა იყოს ქ. თბილისის მერიის არქიტექტურის სამსახურთან ან საქართველოს კულტურული მემკვიდრეობის დაცვის სააგენტოსთან ან აჭარის კულტურული მემკვიდრეობის დაცვის სააგენტოსთან. აღნიშნულის დამადასტურებლად წარმოდგენილი უნდა იქნას მითითებული ორგანიზაცი(ებ)ის მიერ გაცემული შეთანხმების დოკუმენტი.

2.2.1.4 გამოცდილებაში არ ჩაითვლება ისეთი მომსახურება, რომელიც დაკავშირებულია კულტურული მემკვიდრეობის ძეგლის სტატუსის მქონე შენობ(ებ)ის მიმდებარე ტერიტორიისა და ტურისტული ინფრასტრუქტურის მოწყობის სამუშაოების საპროექტო-სახარჯთაღრიცხვო დოკუმენტაციის შედგენასთან.

შესყიდვის ობიექტის სპეციფიკის გათვალისწინებით ასევე მნიშვნელოვანია საავანსო გადახდის პირობების განსაზღვრა. აღნიშნული პირობა მიზანშეწონილია ჩამოყალიბდეს შემდეგი რედაქციით: საავანსო ანგარიშსწორება შესაძლებელია განხორციელდეს მიმწოდებლის მოთხოვნის საფუძველზე, ხელშეკრულების ღირებულების არაუმეტეს 20%-ის ოდენობით.

საავანსო ანგარიშსწორების მოთხოვნის შემთხვევაში „მიმწოდებელმა“ უნდა წარმოადგინოს საქართველოს ეროვნული ბანკის მიერ ლიცენზირებული საბანკო დაწესებულებიდან გაცემული უპირობო და გამოუთხოვადი საბანკო გარანტია საავანსო თანხაზე, რომლის მოქმედების ვადა 1 (ერთი) თვით უნდა აღემატებოდეს ხელშეკრულების მოქმედების ვადას.

გარანტია წარმოდგენილი უნდა იქნას ეროვნულ ვალუტაში - ლარში. უცხოური ბანკიდან საბანკო გარანტიის წარმოდგენის შემთხვევაში მასთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიის საფუძველზე საქართველოს ეროვნული ბანკის მიერ ლიცენზირებული საბანკო დაწესებულებიდან გაცემული „კონტრგარანტია“ (ლარში). საბანკო გარანტია და მასთან დაკავშირებული დოკუმენტაცია

წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე).

ავანსის სახით გადახდილი თანხის გაქვითვა მოხდება გაწეული მომსახურების ღირებულების პროპორციულად.

სატენდერო დოკუმენტაციაში საავანსო გადახდის პირობების განსაზღვრისას სატენდერო კომისია ყურადღებას ამახვილებს შემდეგ ფაქტორებზე:

„სახელმწიფო შესყიდვების შესახებ“ საქართველოს კანონის ფუნდამენტურ მიზანს წარმოადგენს სახელმწიფო შესყიდვებისთვის განკუთვნილი სახელმწიფო საბიუჯეტო სახსრების რაციონალური ხარჯვის უზრუნველყოფა და იგი რეგლამენტირებულია მითითებული კანონის მე-2 მუხლის „ა“ პუნქტით. ამავე კანონის მე-7 მუხლის მე-3 პუნქტის „ა“ ქვეპუნქტით იმპერატიულად არის განსაზღვრული შემსყიდველის ვალდებულება რაციონალურად და საქართველოს სახელმწიფო ინტერესების გათვალისწინებით განახორციელოს შესყიდვები მისთვის გამოყოფილ ასიგნებათა ფარგლებში, ამ კანონითა და შესაბამისი ნორმატიული აქტებით დადგენილი წესების დაცვით; მითითებული მუხლის მე-3 პუნქტით ასევე იმპერატიულად არის დადგენილი, რომ პასუხისმგებლობა ამ კანონითა და შესაბამისი ნორმატიული აქტებით დადგენილი წესებისა და ნორმების დაცვისათვის, შესყიდვების რაციონალური განხორციელებისათვის მთლიანად ეკისრება შემსყიდველ ორგანიზაციას.

„სახელმწიფო შესყიდვების შესახებ“ საქართველოს კანონის 21¹ მუხლის პირველი პუნქტის მიხედვით, წინასწარი ანგარიშსწორების შემთხვევაში მიმწოდებელი ვალდებულია შემსყიდველ ორგანიზაციას წარუდგინოს წინასწარ გადასახდელი თანხის იდენტური ოდენობის გარანტია, გარდა ამ მუხლის მე-2 პუნქტითა და კანონქვემდებარე ნორმატიული აქტით გათვალისწინებული შემთხვევებისა.

შესაბამისად, სახელმწიფო შესყიდვების განხორციელებისას, საბიუჯეტო სახსრების რაციონალურად ხარჯვისა და ხელშეკრულების ფარგლებში წინასწარი ანგარიშსწორების უზრუნველყოფის საშუალებად, კანონმდებლობით დადგენილ შემთხვევებში შემსყიდველი იყენებს საბანკო გარანტიას.

საქართველოს სამოქალაქო კოდექსის 879-ე მუხლის თანახმად საბანკო გარანტიის ძალით ბანკი, სხვა საკრედიტო დაწესებულება ან სადაზღვევო ორგანიზაცია (გარანტი) სხვა პირის (პრინციპალის) თხოვნით კისრულობს წერილობით ვალდებულებას, რომ ნაკისრი ვალდებულების შესაბამისად გადაუხდის პრინციპალის კრედიტორს (ბენეფიციარს) ფულად თანხას გადახდის შესახებ ბენეფიციარის წერილობითი მოთხოვნის საფუძველზე.

ამდენად, საბანკო გარანტიის არსიდან გამომდინარე, ბანკი, სხვა საკრედიტო დაწესებულება ან სადაზღვევო ორგანიზაცია კისრულობს პასუხისმგებლობას, ბენეფიციარის მოთხოვნისთანავე აანაზღაუროს ზიანი ფულადი თანხის გადახდის გზით. ამდენად, გაცემული გარანტია უპირობოდ წარმოშობს ზიანის ანაზღაურების სამომავლო ვალდებულებას. აღნიშნული, სახელმწიფო შესყიდვის დროს, ხელშეკრულების ფარგლებში წინასწარი ანგარიშსწორებისას სახელმწიფო ბიუჯეტის კუთვნილი სახსრების დაცვის მნიშვნელოვანი და ეფექტური მექანიზმია.

ვინაიდან, პრინციპალის მხრიდან არასასურველი გარანტიის წარმოდგენა საფრთხეს შეუქმნის შემსყიდველი ორგანიზაციის მიერ „სახელმწიფო შესყიდვების შესახებ“ საქართველოს კანონის დაცვას, კანონმდებლობის მოთხოვნებიდან გამომდინარე, სააგენტო ვალდებულია სახელმწიფო შესყიდვების განხორციელებისას იმოქმედოს გონივრულად და არ დაუშვას სახელმწიფო ბიუჯეტის კუთვნილი ფულადი სახსრების იმდაგვარი განკარგვა, რომ არ დაირღვეს სახელმწიფო შესყიდვების კანონმდებლობით დადგენილი პრინციპები და ზიანი მიაღგეს სახელმწიფო ინტერესებს.

პრაქტიკაში გამოვლინდა შემთხვევები, რაც კითხვის ნიშნის ქვეშ აყენებს გარანტიის სამართლებრივ ინსტიტუტს, როგორც მოთხოვნის დაკმაყოფილების სწრაფ და ეფექტურ საშუალებას.

ზოგიერთი სადაზღვევო კომპანიის მიერ გაიცემა საბანკო გარანტია, რომლითაც ფორმალურად კისრულობს უპირობო ვალდებულებას, პირველივე მოთხოვნისთანავე (არაუმეტეს 5 - 10 სამუშაო დღის ვადაში) აანაზღაუროს საგარანტიო თანხა (მოთხოვნის ან მოთხოვნილი თანხის ყოველგვარი დასაბუთების გარეშე). მოთხოვნის წარდგენისას კი მათი მხრიდან ირღვევა გარანტიის დამოუკიდებლობის პრინციპი და გარანტი აჭიანურებს თანხის გადახდას. აღნიშნულით კი მნიშვნელოვანი ზიანი ადგება სახელმწიფო ინტერესებს.

შესაბამისად, განსაკუთრებით საყურადღებოა საავანსო გარანტიასთან მიმართებაში სახელმწიფოს ინტერესების გათვალისწინება, ვინაიდან საკითხი ეხება სახელმწიფო ბიუჯეტის კუთვნილი თანხების უზრუნველყოფას. ამასთან, საავანსო თანხა გაიცემა სააგენტოს პასუხისმგებლობით და სატენდერო დოკუმენტაციის პირობებიც უნდა ჩამოყალიბდეს იმგვარად, რომ არ ეწინააღმდეგებოდეს საქართველოს კანონმდებლობას, დაცული იქნას საბიუჯეტო სახსრები და სახელმწიფო ინტერესები.

ამდენად, სახელმწიფო შესყიდვების შესახებ ხელშეკრულების ფარგლებში წინასწარი ანგარიშსწორების განხორციელებისას უზრუნველყოფის გარანტიის სავალდებულოდ მოთხოვნის მიზანია სახელმწიფო ბიუჯეტის კუთვნილი ფულადი სახსრების საიმედო დაცვა სახელშეკრულებო ვალდებულებათა შეუსრულებლობით გამოწვეული შედეგებისაგან. სწორედ ამ მიზეზების გათვალისწინებით, საბანკო გარანტია, რომელსაც ადმინისტრაციული ორგანო იღებს საავანსო გადახდის უზრუნველყოფის სახით, უნდა იყოს საიმედო და შესაბამისი დარღვევის შემთხვევაში, გარანტირებული უნდა იყოს მისი ანაზღაურება. სწორედ ამგვარი ტიპის გარანტიის მიღებაა ასეთ შემთხვევაში სახელმწიფოს ინტერესი.

ზემოთმითითებული ფაქტობრივი გარემოებების გათვალისწინებით, სახელმწიფო საბიუჯეტო სახსრების რაციონალურად ხარჯვის, სახელმწიფო ინტერესების და სააგენტოს პასუხისმგებლობის მაქსიმალურად დაცვის უზრუნველსაყოფად, აუცილებელია საავანსო ანგარიშსწორების მოთხოვნის შემთხვევაში მიმწოდებლის მიერ წარმოდგენილი იქნას საქართველოს ეროვნული ბანკის მიერ ლიცენზირებული საბანკო დაწესებულების მიერ გაცემული საბანკო გარანტია.

სატენდერო კომისიის მიერ მოწონებული იქნა სისტემაში ელექტრონულად შევსებული სატენდერო დოკუმენტაციისა და სატენდერო განცხადების პროექტი, რომელიც დამტკიცების შემდეგ უნდა დარეგისტრირდეს სისტემაში.

დაადგინეს:

1. დამტკიცდეს სატენდერო განცხადება და სატენდერო დოკუმენტაცია;
2. დაევალოს სატენდერო კომისიის აპარატს სახელმწიფო შესყიდვების ერთიან ელექტრონულ სისტემაში განათავსოს სატენდერო დოკუმენტაცია და ელექტრონული ტენდერის აუქციონის გარეშე ჩატარების შესახებ განცხადება.
3. შესყიდვის ობიექტის ერთგვაროვნება განისაზღვროს შემდეგი კლასიფიკატორის შესაბამისად: 71300000 - საინჟინრო მომსახურებები;

სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
შესყიდვების სამსახური
მთავარი სპეციალისტი
კვანტალიანი თათა



სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
შესყიდვების სამსახური
სამსახურის უფროსი
მესხიშვილი დავით


დ. მესხიშვილი

სსიპ-საგანმანათლებლო და სამეცნიერო

ინფრასტრუქტურის განვითარების სააგენტო
ადმინისტრაცია
ადმინისტრაციის უფროსი
ჩანტლაძე ზვიად



სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
დირექტორის მოადგილე
გუგავა ტარიელ



სსიპ-საგანმანათლებლო და სამეცნიერო
ინფრასტრუქტურის განვითარების სააგენტოს
დირექტორის პირველი მოადგილე
შალუტაშვილი გიორგი



სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
დირექტორი
სუხიტაშვილი ლევან

